

«Пинал эколог» конкурсэ

Чебер сяська но валантэм зын

Завьял ёросысь Юсь черкогуртысь чебересь юртъёс азысь синмез палёмытйсь сяскаос мылкыдэз бурдъяло. Котькуд кузё кышно тырше бускельзэ, гурт калыкез маин ке но паймытыны. Гурт старосталэн, Б.А. Ходыревлэн, сюлмаськемын калгись пудоосты табере но кытысь уд пумита ни. Палисадниктэк но сяскаед турлы буельёсыны шумпоттоз, укно улад мертгэм писпуэд пушъёз. Тани Юлия Будина капка аяз чуренак ог дасо писпуос мертвыны сюлмаськиз, соос соку ик улчаез шулдыртйзы. Ольга Рысовалэн тулыс мертгэм палэзпуосыз но улзизы, вож пушъетъёс сётйзы.

Азыло аръёсы мультдаосысь жуг-жагез тёлъя-буръя нуллэмен ёрмылмы, утылтйськем бервыл уго соку ик кырсьемылз. Табере котькуд кёснулалэ урамъёс кузя жаг бичась КаМАЗ ветлэ, пластик бутылкаосты но пакетъёсты калык сутэмысь дугдйз.

Шорёзо школаысь биолог Л.В. Чернова «Сяська-ясысь школа» проект бордын ужамзы сярысь вераз. Тулыс нылпиосын сяська удъёс дасяны сюлмаськызы, мертгйзы но, оgez бёрсы мукетыз син азын сяськазы соос. Пот турыны но аяны өз сётэ.

— Школа котырмес, ожин быремъёслы сйзем синпетлетмес чылкытанъя экологической десантъёс радъямы. Нош гужем школа лагере ветлйсь нылпиосын урамъёс кузя ортчимы. Шумпотымон, свалкаос но кытын өвёл, но отын-татын костаськись пакетъёсты бичатэк өм чидалэ. Инкуазез кырсьемытыны уг яра, — шуэ Лариса Васильевна.

Озысь сюлмо дышетйсьлэн тыршемез, нылпиос экология ужпумъёсты сэртопертчо, инкуазьмылы зэмос кузё луыны дышетско. Школа но нылпиослы кулэ дыръяз зеч кыл вера, таукаронъёсын шумпоттэ.

Вератэк кельтыны уг яра мукетсэ но. Кёня ке аръёс талэсь азыло Юсь котырысь сьод зарни шедьтйзы но, бусыосамы нефтяникъёс интыясыкызы. Али гуртмы мувоё кыкысь качалкаосын котыртэмын. Соин сэрен чылкыт омырмы кырсьемиз, кёй-воё зынэн шокаськом. Тужгес но со шодйське вазь чукна яке бер жыт. Калык юнме уг шуы, «дары бекче вылын» сьылйськомы шуыса. Кинюртэмъёсын кагазъёс но, жингыръям-ченгешонъёс но пайда уг ваё: «допустимая норма», пе. Эх-ма, калык котьмалы дыше, лэся, собере паймыськом, кытысь соиз я таиз висён адыми борды лякыське.

Веранме таёе вось карись но жо ж мылкыдын йылпумъяме уг поты вылэм. Тау кареме потэ со адымиослы, кинъёс нуналысь-нуналэ чылкытлык борды кыстысько, зеч ужъёсынызы калыкез шумпотто!

Пётр ДАВЫДОВ.
Завьял ёрос.

«Кырзэме потэ но тйни»



Йоскалык элькун библиотекалэн «Торо сэрег» проектэз улсын крезьгурчиен но «Палэзэ сйзыл» ансамбльлэн кивалтйсеныз Р.И. Шкляеваен пумиськон ортчиз.

Римма Ивановна 1971-тй арысен ини Якшур-Бодья ёросысь Мукши гуртын улэ. Трос аръёс чоже со сельсоветэн кивалтйз. Гурт калыкез сярысь сюлмаськемез понна, 1996-тй арын солы «Арлэн адымиез» ним сётэмын. Озы ик со Якшур-Бодья ёросысь «Удмурт Кенешлэн» ёзчиз луэ. Трос ужрадъёс ортчытъямез понна, солэн нимыз «Удмурт Кенешлэн» Данъян книгаз пыртэмын.

Гуртысьтызы кышномуртъёсын «Палэзэ сйзыл» ансамбль кылдытыса, ёросысьтызы калыкез шумпоттылйлям, собере Шаркан но Игра ёросъёсы, Ижкарэ но вуылйлям. 2015-тй арын коллективзэс «Мылыськыдысь» передачаын но возматйлям. Пумиськон дыръя Римма Ивановна

ансамбльысьтызы котькуд кышномурт сярысь нимаз-нимаз вераз.

Р.И. Шкляева кылбур гождя, гур но ачиз малпа, кылысь кылэ берыктон удысын но тырше.

«Крезьгурчи шуыса вазё ке, кепырасько, — вера Римма Ивановна. — Ачим но уг валаськы, кызы кырзан кылдэ. Мылкыды-а жутске, курактыны-а кутскысько — кырзэме потэ но тйни».

Кенакез сярысь шуныт кылъёссэ вераз тодмо литературовед А.Г. Шкляев. «Гуртысь потэм дано но тодмо адымиосын пумиськонъёс та библиотекаын чемысь мед лублозы вылэм, — вераз Александр Григорьевич. — Соос, оло, сокем чебер но вольыт вераськыны но уз быгатэ, но лэсьтэм ужъёсы, асьсэ сярысь уно гинэ мадэзы».

Ольга ЕВГЕНЬЕВА.

ЭМЪЯТЙСЬ КЫРЗАН, яке Ма со керпотон?

(Азыланьтонэз.

Кутсконэз

35—37-тй номеръёсын.)

Кырзась но композитор Дмитрий Дунаев «Дорогами успеха» фестивалын журиын пукиз. Нуналлы быдэ солэн «Дети 21 века» проектлы гождэм гимнэз чузъяськылз. Ачиз ик сое сцена вылысен кырзаны кутске вал. Со сьоры — ваньмыз фестивале люкаськемъёс но. Дмитрий Дунаев трос кырзанъёслэсь но гимнъёслэсь гуръёс-сэс гождтйз. Соос пöлысь тросэзлы тодмо «Россия — вечная держава» гимн но «Доброта», «Совесть» кырзанъёс.

Сосяна, Дмитрий Дунаев Москваысь одйгысьтыз школаысь нылпи театр-студилэн художественной кивалтйсьез луэ. Отчы «секыт» семьяосысь нылпиос ветло. Дышетйсьёс соосты зечезлы дышетыны, улонлэсь чебер палзэ, умойзэ возматыны тыршо.

Дмитрийлы улонын аслыз но трос шуг-



секигытьёсты вормоно луэм. Нырысь со артрозэн висемезы йырин кёня ке ар чоже султылытэк кыллем, собере онкологиен но нюръяськем. Врачъёс сое кырзаны, сцена вылэ потаны уз быгаты ни шуо вылэм. Но со висёнъёслы сётскымтэ, эшшо но золгес, вань сюлэм шунытсэ сётса тыршыны кутскем.

Туннэ нуналлы Дмитрий Дунаевлэн театрысьтыз егит артистъёс пöртэм конкурсёслэн но фестивальёслэн вормисьёссы луо.

«Театрын мон уг ужаськы, мон отын улйсько, — шуэ артист. — Котыкыче ужын вань сюлэм шуныттэ сётса тыршыны кулэ.

Сцена вылэ артист адымиослы шумпотон кузьманы потэ. Котькуд адымилен кыче ке но сюлмаськонэз вань: кинлэн ке но семья куспаз, кинлэн ке но тазалыкез туж ик юн өвёл. Артист учкысьёслэсь сюлэмзэс эмъяны мед быгатоз.

Юрий Дмитриевич Кулачёвен чош «Уроки доброты» проектэн ми 33 колониосты ортчимы. Отысь тросэз пинальёс «Доброта» кырзанэз «волшебной» шуизы. Сое кырзаськод ке, пе, вань сюлмаськонъёс тёлзо. Одиг висись пияшлы, изыны выдон аяз та кырзанэз кылзйськыны косйм. Чуказеяз чукна ик солэн пуэдэз быриз».

Дмитрий «Доброта» кырзанэз быдэстыны фестивале люкаськемъёсты но дышетйз. Эшшо «Совесть» кырзанлэн кылдэмез сярысь вераз. Сое мөйюслы но, нылпиослы но нимаз гождтйлям вылэм. Но мөйюслы гождэмзэ нокин валамтэ, нош пинальёслы чакламе пичиослы но, бадзымъёслы но кельшем. Эшшо: керпотон (совесть) кылэз одйг мөйю адыми но, пе, валэктыны уг быгаты. Нош тй пинальёс, удмурт кылын кызы валэктысалды, мар со керпотон?

Ольга МОСКВИНА.